

## خاروانانین جوشون قالاسیندان میلاددان قاباق بیرینجی مین ایللیغا مربوط اولان ساخسیلار تاپیلدی

شرفی آذربایجانین فرهنگی میراث، ال ایشلری و توریزم ایداره‌سی‌نین مودیر کولّی دندی: خاروانانین جوشون قالاسیندا آختارمالاردا میلاددان قاباق بیرینجی مین ایللیغا مربوط اولان ساخسیلار تاپیلیب.

شرفی آذربایجانین فرهنگی میراث، ال ایشلری و توریزم ایداره‌سی‌نین مودیر کولّی دندی: خاروانانین جوشون قالاسیندا آختارمالاردا میلاددان قاباق بیرینجی مین ایللیغا مربوط اولان ساخسیلار تاپیلیب.

فارس خیرگوزاریسی‌نین ورزقاندان وئردیگی گوزاریشه گؤره، تراب محمدی خاروانانین جوشون قالاسیندان گؤروش ائله‌نده ورزقان و خاروانا منطقه‌سی‌نین قالالارینا ایشاره ائدیپ دندی: خاروانا ورزقان و دیزمار منطقه‌سی‌نین قدیمی شهرلریندن ایدی و لاپ چیچکنمه و اختی سلجوقلار زامانی ایدی. بو شهرین قیدمتینه گؤره اوردا چوخلی تاریخی اثرلر و قالالار وار.

او آرتیردی: جوشون قالاسی 26 کیلومتر فاصیله‌این ورزقانی غریبنده و جوشون کندی‌نین 6 کیلومترلیغیندا و قره‌داغین تاریخی دیزمار محالیندا بیر اوجا داغین باشیندا یئرله‌شیر.

محمدی بونا ایشاره ائله‌ماغینان کی بو قالادا آختارمالاردا میلاددان قاباق بیرینجی مین ایللیغا و ایسلامین اولیه عصرلرینه مربوط اولان ساخسیلار تاپیلیب، دندی: جوشون قالاسی بیر اوجا داغین باشیندا و گؤزل بیر داغلیق منطقه‌ده ورزقانی شمال غریبنده یئرله‌شیب کی قالانین اوجالیغی دریا اوزوندن 1800 متر حدودوندا دیر.

او "علی بیگ" و "آغجه" قالالارینی خاروانا منطقه‌سی‌نین آیری تاریخی اثرلریندن دئییب و آرتیردی: علی بیگ قالاسی خاروانا شهری محدوده‌سینده قره‌داغین دیزماریندا و کامتال داغی‌نین ائتگینده و حیفاطت اولموش منطقه‌ده یئرله‌شیر.

محمدی دندی: باستان‌شیناسی ایش بیلنلرین تحقیقینه گؤره، فتحعلی شاه زمانی خاروانا روسلار طرفیندن ایشغال اولور و خاروانا اهلی اولان علی بیگ آدیندا بیر نفر بو قالانی تعمیر ائدیر و اوردا روسلارین عئنه‌هینه موباریزه ائلیب.

او آرتیردی: آغجه قالا 40 کیلومتر فاصیله‌این ورزقانی غریبنده دیر و اونون اطرافیندا اوزی، کلم، بالوجه و طویل کندلری واردیر.

فرهنگی میراث، ال ایشلری و توریزم ایداره‌سی‌نین مودیر کولّی دندی: آغجه قالا، قیز قالاسی آدینا دا مشهور دیر.

محمدی خاروانانین تاریخی سابقه‌سینه ایشاره ائدیپ دندی: خاروانا شهری ورزقانی و دیزمار منطقه‌سی‌نین قدیمی یئرلریندیر.

او آرتیردی: خاروانا شهری‌نین تاریخی موقعیتیندن علاوه کی تاریخی بینالار اونو گؤرسه‌دیر، مونسایب طبیعی موقعیتی‌ده وار کی بیر توریستی یئره تبدیل اولایب.

او دندی: خاروانانین گؤزل داغلیق منطقه‌ده اولدوغونا گؤره هر ایل چوخلی تور، دولانماق اوچون جوشون قالاسی و گول‌آخیرا گلیرلر.

اولکه‌نین توریزم مشورت شوراسی‌نین عضوی بو منطقه‌نین آیری جاذبه‌لرینه ایشاره ائدیپ دندی: هابئله یئندی چشمه منطقه‌سی‌نین جنگلری، چیچکلی، ونیستان و کرینگان جنگلری، موشک‌عنبر و گولر خاروانا یایلاقلاری، پیر سقا، زراباد سدّی، خاروانانین حیاطلی کروانسراسی، سقندلین میخی خطلی کتیبه‌سی و 1002 ایللیق قبری داشی بو قدیمی شهرین گؤرمه‌لی یئرلریندیر.

ورزقان شهرستانی یکی مرکزی و خاروانا بخشلریندن تشکیل تاپیر و بو شهرستان شرقدن اهره، غربدن مرند و شیبستره و شیمالدان کلپیر و جلفایا و جنوبدن تبریزه دایانیر.